

Sakspapir

Saksnr	Utvalg	Type	Dato
015/21	Formannskapet	PS	28.01.2021
012/21	Kommunestyret	PS	18.02.2021

Saksbehandler	Arkiv	ArkivsakID
Asbjørn Nagell Toft	FE-131	21/72

Interkommunal plan for sjøområda i Nordhordland, planid 2021003 - Orienteringsak og uttale

Vedlegg

Interkommunal plan for sjøområda i Nordhordland - utkast planprogram

IKP Sjøareal NH Planprogram - utkast 15.01.2021

Oversendingsmail

Framlegg til vedtak:

Formannskapet tek utkast til planprogram til Interkommunal plan for sjøområda i Nordhordland datert den 15.01.2021 til orientering.

Formannskapet - 015/21 - 28.01.2021

FS - behandling:

Avdelingsleiar Asbjørn Toft orienterte om saka.

Ordførar Per Lerøy (Ap) viste til at det er iver for å få til denne planen. Ein vil unngå den situasjonen som oppstod i Sunnhordland, der fylket laga plan mot kommunane sin vilje, og der departementet etter klage frå kommunane seinare har underkjent kystsoneplan Sunnhordland.

Regionrådet har i staden sett seg i førarsetet, og fått ein million i tilskot. Planarbeidet var utsett i påvente av at Alver kommune skulle komma på plass. Målet no er å vera ferdig med planen i denne valperioden, før kommunevalet i 2023. Arbeidet er i gang, har mellom anna fått orientering frå Havforskningsinstituttet om vasskvaliteten i sjøområda. Denne planen er viktig mellom anna for å unngå å komma i raud sone med tanke på oppdrettsnæringa.

Anne Dahle Austrheim (KrF) hadde spørsmål om fartsregulering er med her, her svara Asbjørn Toft at fartsregulering er eige felt. Ordførar Per Lerøy (Ap) sa at kommunen kan regulera fart i mange område, men det er ikkje del av dette arbeidet.

Handsaming i formannskapet:

Rådmannens framlegg til vedtak vart vedteke med 4 mot 0 røyster (Inger Lise Brekke (H) var fråverande).

FS - vedtak:

Formannskapet tek utkast til planprogram til Interkommunal plan for sjøområda i Nordhordland datert den 15.01.2021 til orientering.

Kommunestyret - 012/21 - 18.02.2021

KS - behandling:

Avdelingsleiar plan Asbjørn Toft orienterte om arbeidet som er gjort med dette planprogrammet så langt. Denne planen skal på høyring, og kjem så tilbake til politisk handsaming seinare.

Ordførar Per Lerøy (Ap) sa at planen skal vedtakast av det sitjande kommunestyret, altså før 2023.

Handsaming i kommunestyret:

Samrøystes for rådmannens framlegg til vedtak.

KS - vedtak:

Kommunestyret tek utkast til planprogram til Interkommunal plan for sjøområda i Nordhordland datert den 15.01.2021 til orientering.

Saksopplysninger:

Utkast til planprogram til **Interkommunal plan for sjøområda i Nordhordland** datert den 15.01.2021 vert lagt fram til orientering og til kommnetar. Det er tidlegare gjort vedtak i kommunestyret i Austrheim kommune om å delta i Interkommunal plan for sjøområda i Nordhordland. Det er Nordhordland Utviklingsselskap IKS som leiar prosjektet. Dei sende den 15.01.2021 informasjonsbrev til alle kommunane om dette saman med utkast til planprogram (vedlagt).

Arbeidsgruppa har no utarbeida eit utkast til planprogram. Det vart lagt fram ein tidlegare versjon av denne for det Interkommunale planutvalet (IKPU) i møte den 11.12.2020.

For å sikre ein god forankring i kommunane vert no eit utkast til planprogram sendt til alle dei deltakande kommunane for gjennomsyn og til orientering. Det er difor naturleg at utkastet til planprogram vert lagt fram for formannskapet til orientering og kommentar. For å halde tidsplanen må prosjektet få skriftleg tilbakemelding innan 28. februar 2021.

Eventuelle innspel frå kommunane vil verta lagt fram for IKPU og vil verta vurdert i det endelege planprogrammet som IKPU sender ut på offentleg høyring. Det er eit mål at planprogrammet til Interkommunal plan for sjøområda vert sendt ut på offentleg høyring i mars 2021.

Interkommunal plan for sjøareal er ein plan på kommuneplannivå, jamfør kap. 9 i plan- og bygningslova (pbl). Det skal fastsettast juridisk bindande arealbruk med føresegn og retningslinjer. Den interkommunale planen skal presenterast samla, men kvar kommune skal gjennomføre planprosess for sitt sjøareal som om det var sin eigen plan. Dette planarbeidet for sjøareala skal gjerast slik at det vert ein naturleg del av ein samla kommuneplanen sin arealdel for kvar av

kommunane som deltek.


Første steg i arbeidet med ein kommuneplan er utarbeiding av planprogram. For alle planar med vesentleg verknad for miljø og samfunn skal det utarbeidast planprogram. Programmet skal gjere greie for føremålet med arbeidet, prosessen og opplegget for medverknad. Dette planprogrammet skal gi grunnlaget for arbeidet med interkommunal plan for sjøareal i Nordhordland. Det er og formelt grunnlag for oppstart av dette planarbeidet.

Særskilte tema frå dei ulike kommunane er med i i utkast til planprogrammet. På side 12 står det om Austrheim kommune. Framdriftsplanen som det står om på side 15 og 16 i utkastet kan verta endra og supplert. Dei ber og om tilbakemelding på framdriftsplanen frå kommunane. Målet er at planprogrammet vert lagt ut til høyring og offentleg ettersyn i mars månad. Høyringsperioden for planprogrammet vil i utgangspunktet vere 6 veker. Planprogrammet vert vedteke innan juni 2021.

Planforslaget vert lagt ut til høyring og offentleg ettersyn i løpet av hausten 2022. Våren 2023 vert endeleg plan sendt til kommunestyra for endeleg vedtak.

Vurdering:

Rådmannen synes utkast til planprogram til Interkommunal plan for sjøområda i Nordhordland er eit godt utarbeidd arbeidsdokument. Det er positivt at kommunane Alver, Austrheim, Fedje, Gulen, Masfjorden, Modalen, Osterøy og Vaksdal saman kan arbeida for å få på plass ein Interkommunal plan for sjøområda i Nordhordland.



Planområdet er vist over. Det omfattar sjøareala i kommunane Alver, Austrheim, Fedje, Gulen, Masfjorden, Modalen, Osterøy og Vaksdal. Det vil sei frå flomålet i elveosar og ned til sjøbotn.

Rådmannen vil informera om at det er mange interesser knytt til kystsona og sjøareala. Aukande konkurranse og interessekonfliktar kan gjere sjøareala utfordrande å forvalte. Kommunen har mynde over arealbruken i sjøområda etter plan- og bygningslova, og ansvar for å skape føreseielege rammer. Til dette trengjer kommunen eit godt styringsverktøy. Rådmannen vil peike på at eit hovudformål med planlegging etter plan- og bygningsloven er å fremja berekraftig utvikling og bidra til samordning av statlege, regionale og kommunale oppgåver. FN sine 17 berekraftsmål er og førande for dette arbeidet.

Rådmannen synes utkastet til planprogrammet er realistisk når det gjeld innhald, tema og framdriftsplan. Rådmannen rår til at formannskapet tek utkast til planprogram til Interkommunal plan for sjøområda i Nordhordland til orientering.

Konklusjon:

Formannskapet tek utkast til planprogram til Interkommunal plan for sjøområda i Nordhordland datert den 15.01.2021 til orientering.